

Pwogram H-2A pou travayè tanporè agrikòl

Ki sa viza H-2A a ye?

Viza H-2A a gen pou wè ak yon pwogram viza non-imigran ki pèmèt patwon ameriken yo fè vini sitwayen etranje sou tè Etazini pou ranpli travay tanporè agrikòl oswa sezonnye ke travayè ameriken yo pa disponib pou fè.

Pou konbyen tan yon travayè ki gen viza H-2A a ka rete Ozetazini?

Citizenship and Immigration Services (USCIS oswa Sèvis sitwayènte ak imigrasyon Etazini) bay yon viza H-2A an jeneral pou 10 mwa oubyen pou pi piti tan, apre sa travayè a dwe retounen nan peyi orijin li. Si patron an vle travayè a retounen lane annapre a, li ka mande USCIS pou renouvle viza a. Li posib tou pou yon travayè chanje patwon H-2A tan li toujou Etazini ak fè yo prolonje dire viza li a pou yon peryòd tanporè.

Èske kantite viza H-2A a gen yon limit?

Pa gen okenn limit sou kantite viza H-2A ke yo dwe bay chak ane pou yon peyi an patikilye oswa pou pwogram lan an jeneral. Nan ane fiskal 2011 lan, 55,384 viza H-2A te bay an tou nan tout peyi ki kalifye yo.

Ki jan pwosesis la fonksyone?

Pou mande yon viza H-2A, yon travayè dwe genyen yon òf travay ki soti nan men yon patwon ameriken. Patwon ameriken yo voye jeneralman rekritè pa yo nan peyi etranje a ak / oswa travay ak rekritè peyi etranje yo ki idantifye travayè ki gen konpetans nesèsè pou fè travay la. Rekritè yo ede travayè yo rasanble dokiman epi ranpli fòm pou jwenn yon viza. Dapre lalwa amerikèn, li entèdi pou patwon oswa rekritè yo fè travayè yo peye frè depasman.

Etap sa yo bay yon apèsi ki jan pwosesis la ye:

- **Etap 1:** yon patwon ameriken depoze yon demand nan “Department of Labor” (Ministè travay) nan peyi Etazini pou montre pa gen okenn travayè ameriken ki kapab, ki vle, ki kalifye ak ki disponib pou fè travay si la a. Si demand la apwouve, patwon an resevwa yon “sètifika travay tanporè.”
- **Etap 2:** Anplwayè a depoze Fòm I-129 la, demand travayè non-imigran, nan USCIS, k ap chèche travayè H-2A ak li ka presize nan ki peyi travayè a dwe sòti. Demand la ka idantifye oswa pa idantifye non chak grenn travayè.
- **Etap 3:** Lè Fòm I-129 a apwouve, travayè potansyèl ki an deyò Etazini yo ka fè yon demand pou yon viza H-2A non-imigran nan anbasad oswa konsila peyi Etazini aletranje.

Ki sa travayè potansyèl la dwe konnen sou pwosesis la nan Konsila Etazini a?

Travayè potansyèl la dwe pran yon randevou pou jwenn yon viza nan konsila Etazini a, souvan ak èd yon rekritè. Nan moman antrevi a, aplikan an dwe pwouve ofisye konsila a ke li kalifye pou fè travay yo mande a, li gen lyen ase ak peyi orijin li epi li pa pwal depase dire ki otorize pou rete ak viza a. Konsil la pwal gen chans poze kesyon sou fanmi aplikan an (sitou mari oswa madanm li ak timoun) k ap viv nan peyi orijin li, istwa travay, byen ak biznis li yo, epi resous finansye li. Aplikan an dwe fè antretyen an pou kont li epi san asistans lòt moun, tankou patwon an, rekritè a, yon avoka oswa yon manm nan fanmi li.

Ki kote yo ka jwenn plis enfòmasyon sou patwon k ap anboche travayè H-2A?

Menm si patwon yo peye nan pifò tan yo rekritè pou jwenn travayè, enfòmasyon sou patwon ki patisipe nan pwogram H-2A a disponib pou tout moun sou entènèt. Rejis Piblik travay la H-2A ki bay lis travay ki egziste pou chak Eta yo disponib sou sit entènèt sa a : <http://licert.doleta.gov>.

Done istorik sou opòtinite travay gras ak pwogram H-2A a disponib sou sit entènèt sa a : <http://www.flcdatacenter.com/CaseH2A.aspx>.

Ki salè travayè a resevwa ?

Salè yo ka chanje akòz anpil faktè, ki gen ladan patwon an, sektè a, ki kalite ak kote l ap travay, men gouvènman ameriken an kontwole montan salè a dapre sa lòt travayè k ap fè menm travay la resevwa. Travayè agrikòl sezonnye ki travay plen tan genyen jeneralman 1 700 dola ameriken chak

mwa - men salè yo varye dapre nivo konpetans, rekòl ak si travayè yo peye pa lè oswa pa pyès. Travayè yo gen dwa benefisye yon travay ki garanti pou pi piti twa ka nan jou yo ki endike nan kontra a, sof si travayè etranje a ranplase pa yon travayè ameriken nan pwemye mwatye dire kontra a.

Ki chaj patwon k ap anboche travayè H-2A yo peye ?

Patwon nan sektè yagrikòl yo jeneralman sipòte frè transpò ale ak tounen travayè a nan peyi orijin li. Yo dwe bay tou yon kay gratis ki pwòp, san danje pou travayè H-2A yo. Lajan pou manje sou kont travayè yo, men patwon an dwe bay yon kote pou prepare manje a. Dapre lalwa nan peyi Etazini, anplwaye a gen dwa peye frè vwayaj ki rezonab ak depans gouvènman yo pou paspò. Yon patwon dwe fè aranjman pou transpò travayè a nan peyi orijin li ak lye travay li, oswa ranbouse lajan transpò a.

Èske gen yon laj pou pi piti oswa pou pi plis pou travayè H-2A yo ?

Menm si laj pou pi piti a ka varye dapre ki kalite travay ak restriksyon gi genyen nan lwa sou travay ak nan Eta yo, travayè H-2A yo souvan genyen pou pi piti 18 lane. Pa gen okenn limit nan laj pou travayè yo. Men, moun yo dwe gen kapasite fizik pou fè travay yo mande a.

Èske viza H-2A a ap pèmèt travayè a gen yon "kat vèt" (rezidans pèmanan) oswa sitwayènte ameriken?

Non. Dokiman H-2A a se yon viza non-imigran ki bay pou yon tan limite. Li pa mete travayè a sou wout ki mennen nan rezidans pèmanan nan peyi Etazini oswa sitwayènte ameriken.

Èske mari, madanm oswa timoun yon travayè H-2A ka jwenn yon viza pou Etazini?

Mari, madanm oswa timoun ki pa marye (ki poko gen 21 lane) yon travayè H-2A ka mande yon viza non-imigran H 4-, men patwon yo pa asire depans ni pou vwayaj oswa kay pou manm fanmi an. Moun ki gen viza H-4 viza yo pa gen dwa travay Ozetazini men yo ka ale lekòl.

Resous pou plis enfòmasyon:

• US Citizenship and Immigration Services (USCIS oswa Sèvis sitwayènte ak imigrasyon Etazini)) (www.uscis.gov)

o Apèsi pwogram H-2A a: <http://1.usa.gov/2rSic9>

o Kesyon ak repons sou aplikan H-2A yo: <http://1.usa.gov/iCzhZB>

o Fòm I-129, Aplikasyon travayè non-imigran travayè a: <http://1.usa.gov/10VcN>

o Gen kèk frè travayè H 2 ka pa peye:

<http://1.usa.gov/nt5upD>

• Department of Labor (Ministè travay): www.dhs.gov/smartrelief

o Apèsi sou rekritman travayè etranje

<http://www.foreignlaborcert.doleta.gov/hiring.cfm>

o Apèsi sou pwogram H-2Aa : <http://www.foreignlaborcert.doleta.gov/h-2a.cfm>

o Gid Patwon H-2A: <http://bit.ly/rDNCLg>

o Kesyon yo poze souvan sou sètifikasyon travayè etranje H-

2A: # <http://www.foreignlaborcert.doleta.gov/fagsanswers.cfm> gotoh2

o Fòm Sètifikasyon travayè etranje:

<http://www.foreignlaborcert.doleta.gov/form.cfm>

• Depatman Deta Ameriken

o Apèsi sou viza travayè tanporè yo:

http://travel.state.gov/visa/temp/types/types_1271.html

o Fòm DS-160 – Aplikasyon sou entènèt viza non-imigran:

http://travel.state.gov/visa/forms/forms_4230.html

o Feyè sou dwa ak pwoteksyon travayè tanporè yo (ki disponib an

Anglè ak kreyòl) http://travel.state.gov/visa/temp/pamphlet/pamphlet_4578.html

• Pou Kontakte anbasad ameriken nan Pòtoprens, Ayiti:

h2nivpap@state.gov